

全上古三代秦漢三國六朝文

全後漢文卷七十二

烏程嚴可均校輯

蔡邕四

日蝕上書

四年正月朔日體微傷羣臣服赤幘赴宮門之中無救乃各罷歸
天有大異隱而不宣求御過是已事之甚者續漢五行志六熹平二年日蝕注補引蔡

邕上書

被收時上書自陳

光和元年都官從事張恕曰辛卯詔書收邕送雒陽詔獄考吏張
靜謂邕曰省君章云欲仇怨求有所施法令無曰此詔書又刊章
家姓名不得對相指斥考事君學多所見古今如此豈一事乎荅
曰曉是吏遂飲章爲文書後漢蔡邕傳注引邕集

議郎龔士臣邕頓首再拜上書皇帝陛下今月十三日臣被尚書

召問臣從大鴻臚劉郃前爲濟陰太守臣屬吏張宛長休百日郃
爲司隸又託河內郡吏李奇爲州書佐及營護故河南尹羊陟侍
御史胡毋班郃不爲用致怨之狀臣征營怖悸肝膽塗地不知死
命所在臣邕死罪臺所問臣三事其遠者六年近者三歲竊自尋
案實屬宛奇不及陟班凡休暇小吏非結恨之本與陟姻家臣叔
父衛尉質及邕豈敢屬郃申助私黨如臣父子誠有怨恨故中傷
郃郃勢所當因臺問具陳臣恨狀所緣不能受臣爲覆蔽內無寸
事而謫書外發宜曰臣對與郃參驗臣得曰學問特蒙褒異執事
祕館文學所著列于御前姓名貌狀簡乎聖心今年七月召詣金
商門問曰災異詔書褒論責臣喻旨誘臣使言臣實愚慙唯識忠
盡出命忘軀不顧後患遂譏切公卿內及寵近臣實區區欲曰上
對聖問救消災異規爲陛下延康寧之計而已預知所言者當必
怨臣陛下不念忠言密對多所指刺宜加掩蔽誹謗卒至使用疑

不字衍

怪豈不負盡忠之吏哉每有災異詔書輒令百官各上封事欲自
改政息譴除凶致吉而言者不蒙延納之福反被陷破之禍今羣
臣皆杜口結舌臣爲戒誰敢復爲陛下盡忠者乎臣季父質連
見拔擢位在上列臣被蒙恩渥數見訪問言事者因此欲陷臣父
子破臣門戶非復發糾姦伏補益國家者也臣年四十有六孤特
一身前無立男得已盡節王室託名忠臣死有餘榮然防陛下于
此不復聞至言矣臣已愚亢招致禍患自臣職耳臣對問時質爲
下邳相不聞臣謀今者橫見逮及使質恨已衰老白首隨臣摧沒
并內坑塹已快言事厭副其言誠冤誠痛陛下仁篤之心必不忍
此思之未至耳臣一入牢檻當爲箠楚所迫趣已飲章辭情何緣
復達臣死期垂至冒昧自陳乞身當辜戮免質不并坐則臣死之
日更生之年也唯陛下加餐爲萬姓自愛臣邕死罪

本集後漢
蔡邕傳

和嘉鄧后諡議

孝和鄧皇后崩羣臣謀諡于是尚書陳忠上言曰爲鄉黨敘孔子威儀俯仰無所遺彤管記君王纖微大小無不舉是曰德著圖籍名垂于後伏唯大行皇后規乾則坤兼包日月厥初作合允有休烈貫魚之次加于小媵中饋之敘昭于帷幄遭家不造三元之厄孝殤幼沖國祚中絕海內紛然羣臣累息加曰洪流爲災札荒爲害西戎蠢動武威侵侮并涼猾夏作寇振驚勃碣家有採薇之思人懷蹶屎之聲皇太后參圖考表求人之瘼度越平原建立聖主垂疇咨之問遵六事之求勞謙克躬菲薄爲務是曰尚官損服衣不粲英鬻人徹羞膳不過擇黃門闕樂魚龍不作織室絕伎纂組不經尚方抑巧雕鏤不爲離宮罕幸儲峙不施遐方斷篋侏離不貢罷出宮妾免遣宗室沒入者六百餘人曰紓鬱滯奉率舊禮交饗祖廟曰展孝子承歡之敬蠲憲法六千餘事曰順漢氏三百之期經裁乖舛恐史闕文命眾儒考校東觀閣學博士一缺廣推十

人何有伐檀茅茹不拔、屢舉方直、顯擢孝子、遵忠孝之紀、啟大臣
喪親之哀、疾貪吏、受取爲姦、糾擢舊科之罰、惡長吏虛僞進退、錮
之十年、追世祖功臣、國土或有斷絕、封植遺苗、已奉其祀、爵高蘭
諸國、盾子、已紹三王之後、事不稽古、不己爲政、政不惠和、不圖于
策、猶不自專、傳謀遠賢、允求厥中、刑之所加、不阿近戚、賞之所及
不遺側陋、終朝反側、明發不寢、徒已百姓爲憂、不己天下爲樂、聖
誠著于禁闕、而德教被于萬國、故自昏墊、已迄康乂、羅入千石、已
至數十、叛虜降集、賊寇邊垂、胡輩去塞、永元之世、已爲遺誅、今畏
服威靈、稽顙卽斃、徼外絕國、慕義重譯、求獻其琛、史官咸賀、請作
主頌、卻而不聽、郡國咸上瑞應、寢而不宣、允恭挹損、密勿在勤、遭
疾不像、垂念臣子、御輦在殿、顧命羣司、流恩布澤、大赦天下、有始
有卒、同符先聖、昔書契所載、虞帝二妃、夏后塗山、高陽有莘、姬氏
任母、徒已正身率內、思媚周京、爲高未有如大行皇后勤精勞思

篤繼國之祚正三元之衡康百六之會消無妄之運者也功德巍巍誠不可及漢世后氏書鈔作母氏無諡至于明帝始建先烈之稱是

後轉因帝號加之曰德高下優劣混而爲一違禮大行受大名小

行受小名之制諡法有功安人曰壽帝后一體禮亦宜同大行皇

太后宜諡爲和熹皇后上稽典訓之正下協先帝之稱本集後漢

注引蔡邕集又略見北堂書鈔九十四

朱公叔諡議

漢益州刺史南陽朱公叔卒門人陳季珪等議所諡云宜曰忠文子陳留蔡邕議曰昔在聖人之制諡也將曰勸善彰惡俾民興行賢愚臧否依事從實雖文武之美靈厲之穢罔不具存自王公已降至于列國大夫皆用配號傳于無窮秦曰世言諡而黜其事漢興以來惟天子與五等之爵然後有之公卿大臣其禮闕焉歷世彌久莫之或修益州府君貫綜典術率由舊章始興諸儒考禮定

議加陳留府君曰益州之諡是後覽之者亦無閒焉今子實纂襲前業不忘遺則孝既至矣禮實宜之謹覽陳生之議思忠文之意參之羣學稽之諡法夫萬類莫貴乎人百行莫羨乎忠故夏后氏正曰人統教曰忠德然則忠也者人德之至也而猶有三焉孔子曰進思盡忠又曰臣事君曰忠奉上之忠也曰爲人謀而不忠乎又曰忠焉能勿誨乎謀誨之忠也春秋左氏傳曰小大之獄必曰情情忠之屬也又曰上思利民曰忠撫下之忠也三者人之則而忠行乎其中益州府君自始事至沒身忠言不輟乎口忠謀不已乎心其在帝室正身危行言如砥矢策合神明蹇蹇之諫文章具存奉上忠矣其在部臣匡救善惡出自一心疑不我聽者果有躋覆不測之禍謀誨忠矣爰牧冀州時值凶荒勞心苦思勤恤度事誅斃貪暴糾戢貴黨雖則強禦當官能行夫豈淫刑將有利也發墓盜柩議而不罪夫豈漏姦察曰情也撫下忠矣位在牧伯職據

季文孫文
公叔文下
皆脫于字

納言秉權食祿實有年數而居無畜好財貨不益糲食布衾概謂之精麗昔魯季孫行父卒宰兀家器無衣帛之妾無食粟之馬君子曰相三君矣而無私積可不謂忠乎而諡曰文子春秋外傳曰忠文之實也然則文忠之彰也忠曰爲實文曰彰之事通議合兩名一致是貞儉之稱文也邾子籛條卜遷于繹史曰利于民不利于君公曰民苟利矣孤亦與焉于是遷而遂卒諡曰文公是危身利民之稱文也衛大夫孔圉諡曰文子子貢疑焉惟敏而好學不恥下問仲尼與之是勤學好問之稱文也府君所在屢曰忤違怙曰深患苟除民害死生已之前後三黜一罹疾廢于身危矣兼包六典命世作帥猶復宗事趙叟示有攸尊能下問矣有一于此猶可曰稱況乃忠兼三義文備三德于古志不悖而諡法亦曰宜矣本議曰忠文子按古之曰子配諡者魯之季文孟懿子衛之孫文公叔文皆諸侯之臣也至于王室之卿大夫其尊與諸侯竝故曰公

配春秋曰劉卷卒葬劉文公公羊傳曰劉卷者何天子大夫也經又曰王子虎卒左傳曰王叔文公卒而同盟禮也此皆天子大夫得稱其禮與同盟諸侯敵體故也又禮緣臣子咸欲尊其君父故雖侯伯子男之臣自稱其君咸得曰公及其卒也異國之人稱之皆然是已邾子許男稱公已葬春秋之正義也已例言之則府君王室亞卿也有王叔劉氏之比已臣子之辭言之則有邾許稱公之文雖無土而其位是也今日公猶可若稱子則降等多矣懼禮廢日久將詭時聽周有仲山甫伯陽嘉父優老之稱也宋有正考父魯有尼父配諡之稱也春秋曰孔父子曰伯某父亡之稱也父雖非爵號與天子諸侯咸用優賢禮同順乎門人臣子所稱之宜可于公父之中擇一處焉斯不得稱子而已

本集後漢朱穆傳注引袁山松書

答丞相可齋議

月日詔召尚書問立春當齋迎氣東郊尚書左丞馮方毆殺指揮

使于尚書西祠可齋不得無不宜具對議郎臣蔡邕博士任敏死
罪對案禮上帝之祠無所為廢齋者所已致齋不敢渙散其意宮
室至大指使至微不在齋潔之處元和詔禮無免齋宜已自潔靜
交神明本無嫌閒祠室又寬可齋無疑詩云唯此文王小心翼翼
昭事上帝聿懷多福夫齊恭已奉明祀文王所已懷福無有不宜
臣邕臣敏愚愍死罪

本集又略見
宋書禮志一

麻數議

熹平四年

三月九日百官會府公殿下東南校尉南面侍中郎將大夫千石
六百石重行北面議郎博士西面戶曹令史當坐中而讀詔書公
議蔡邕前坐侍中西北近公卿與光晃相難問是非焉

續漢律麻
志中注引

蔡邕集

案光晃謂

馮光陳晃御覽作馮光

議郎蔡邕議已為麻數精微去聖久遠得失更迭術數無常是已
漢興承秦麻用顓頊元用乙卯百有二歲孝武皇帝始改正朔麻

用太初元用丁丑行之百八十九歲孝章皇帝用清河李梵之言改從四分元用庚申今光晃各曰庚申爲非甲寅爲是案厯法黃帝顓頊夏殷周魯凡六家各自有元光晃所據則殷厯元也他元雖不明于圖讖各自一家之術皆當有效于當時昔太初始用丁丑之後有六家紛錯爭訟是非太史令張壽王挾甲寅元曰非漢厯雜候清臺課在下第卒曰疏闊連見劾奏太初效驗無所漏失是則雖非圖讖之元而有效于前者也及用四分曰來考之行度密于太初是又新元有效于今者也故延光元年中謁者竈誦亦非四分庚申上言當用命厯序甲寅元公卿百寮參議正處竟不施行且三光之行遲速進退不必若一術家曰算追而求之取合于當時而已故有古今之異今術之不能上通于古亦猶古術之不能下通于今也由此言之有文于讖無驗于今未必爲是有驗于今無文于讖未必爲非元命苞乾鑿度皆曰爲開闢至獲麟二

百七十六萬歲及命厯序積獲麟至漢起庚子部之二十三歲竟
己酉戊子及丁卯部六十九歲合爲二百七十五歲漢元年歲在
乙未上至獲麟則歲在庚申推此已上上極開闢則不在庚申識
雖無文其數見存而光晃已爲開闢至獲麟二百七十五萬九千
八百八十六歲獲麟至漢百六十二歲轉差少一百一十四歲云
當滿足則上違乾鑿度元命苞中使獲麟不得在哀公十四年下
不及命厯序獲麟漢相去四部年數與奏記譜注不相應當今厯
正月癸亥朔光晃已爲乙丑朔乙丑之與癸亥無題勒欸識可與
眾共別者須已弦望晦朔光魄虧滿可得而見者考其符驗而光
晃厯已考靈曜爲本二十八宿度數及冬至日所在與今史官甘
石舊文錯異不可考校已今渾天圖儀檢天文亦不合于考靈曜
光晃誠能自依其術更造望儀已追天度遠有驗于圖書近有效
于三光可已易奪甘石窮服諸術者實宜用之難問光晃但言圖

讖所言不服。元和二年二月甲寅制書曰：朕聞古先聖王，先天而天不違，後天而奉天時。史官用太初鄧平術，冬至之日，日在斗十二度，而厯曰爲牽牛中星。先立春一日，則四分數之立春也，而曰折獄斷大刑于氣，已迭用望平和。蓋亦遠矣。今改行四分，曰遵于堯，曰順孔聖，奉天之文，是始用四分厯庚申元之詔也。深引河洛圖讖，曰爲符驗，非史官私意，獨所興構。而光晃曰爲固意造妄說，違反經文，謬之甚者。昔堯命羲和，厯象日月星辰，辨四時月正，日湯武革命，治厯明時，可謂正矣。且猶遇水遭旱，戒曰蠻夷猾夏，寇賊姦宄。而光晃曰爲陰陽不和，姦臣盜賊，皆元之咎，誠非其理。元和二年，乃用庚申。至今九十二歲，而光晃言秦所用代周之元，不知從秦來。漢三易元，不常庚申。光晃區區信用所學，亦妄虛無造欺語之愆。至于改朔易元，往者壽王之術已課不效，亶誦之議不用。元和詔書，文備義著，非羣臣議者所能變易。

續漢律厯志中宋書厯志一御

六十

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷七十二終

全後漢文卷七十三

烏程嚴可均校輯

蔡邕

五

難夏育請伐鮮卑議

文選鮑昭東武吟注引此題作上書

熹平六年夏護烏桓校尉育上言鮮卑仍犯諸郡自春已來三十餘發請徵幽州諸郡兵出塞擊之冬春足已埽滅時故護羌校尉田晏已他事論刑被原私留京師因尚書行賄通謀中常侍王甫求爲將甫建議當出師與育并力詔書遂用爲破鮮卑中郎將使匈奴中郎將南單于已下與育晏三道竝出時朝廷大臣多已爲不便召公卿百官會議議郎蔡邕已爲

書戒猾夏易伐鬼方周宣王命南仲吉甫攘獫狁威蠻荆漢有衛霍圖顏瀚海寶憲燕然之事征討殊類所由尚矣然而時有同異勢有可否故謀有得失事有成敗不可齊也自漢興已來匈奴常

爲邊患而未聞鮮卑之事。昔謀臣竭精武夫僇力而所見常異其設不戰之計守禦之固者皆社稷之臣永久之策也。孝武皇帝情存遠略志關四方南伐百越北討強胡西征大宛東并朝鮮因文景之蓄藉天下之饒兵出數十年閒帑藏空竭官民俱匱乃興鹽鐵酤榷之利設告緡重稅之令民不堪命起爲盜賊關東紛然道路不通繡衣直指之使奮鈇鉞而竝出然後僅得寧息旣而覺悟乃息兵罷役封丞相爲富民侯故主父偃曰夫務戰勝窮武事未有不悔者也。夫呂世宗神武將率良猛財賦充實所拓廣遠而猶有悔焉況無彼時地利人財之備而欲輕動此其不可一也。鮮卑種衆新盛自匈奴北遁已來據其故地稱兵十萬彌地千里才力勁健意智益生加已關塞不嚴禁網多漏精金良鐵出者莫察皆爲賊有漢民逋逃爲其謀主兵利馬疾過于匈奴昔段熲良將習兵善戰經營西羌猶十餘年今尙晏欲已一年之期專勝必克尙

晏才策未必過煩鮮卑種眾又不弱于西羌乃欲張設近期誘戲朝廷三半不成必迫于害禍結兵連不得中休轉運糧餉不可勝給天無豐歲官殫見財民人流移于四方不能還其骸骨已此時興議橫發一發不已必至再三諸夏之內弱者伏尸强者作寇邊陲之患手足之疥癢也中國之困曾背之癰疽也其不可二也育云自春已來三十餘發方今郡縣盜賊劫擄人財攻犯官民日月有之冠帶之圻吏調政密尚不能禁況此醜虜羣類抵冒心不受仁膽不畏威而可使斷無盜竊昔者高祖乃忍平城之恥呂后甘棄慢書之咎方之于今何者爲甚是其不可三也天設山河秦築長城漢起塞垣所已別外內異殊俗也其外則分之夷狄其內則任之良吏後嗣遵業慎奉所遺苟無蹙國內侮之患則可矣豈與蟲蠃狡寇計爭往來之數哉乃欲越幕踰域度塞出攻得地不可耕農得民不可冠帶破之不可殄盡而本朝必爲之肝食四海必

爲之焦枯其不可四也夫煎盡府帑之畜已恣輕事之人專勝者未必克挾疑者未必敢眾所謂危聖人不任朝議有嫌明主不行是其不可五也案育一戰所獲不如所失昔淮南王安諫伐越曰天子之兵有征無戰言其莫敢校也如使越人蒙死徼幸已逆執事廝與之卒有一不備而歸者雖得越王之首猶爲大漢羞之而育欲已齊民易醜虜皇威辱外夷袁宏紀作射乾沒已嬰功就如其言猶已危矣況乎得失不可量邪昔珠崖郡反孝元皇帝納賈捐之言而下詔曰珠崖背畔今議者或曰可討或曰棄之朕日夜惟思羞威化不行則欲伐之狐疑避難則守爲長宜通乎時變且憂萬民夫萬民之飢餓與變夷之不討何者爲大宗廟之祭凶年猶有不備況避不遜之辱哉今關東大困無已相膽又當動兵非但勞民而已凶年隨之罷弊有不可勝言者其罷珠崖郡此元帝所已發德音也夫卹民救急雖成郡列縣尙猶棄之況已卹塞之外未嘗爲民

居者乎臣邕曰爲宜止攻伐之計令諸營甲士循行塞垣屯守衝要已堅牢不動爲務若乃守邊之術李牧善其略保塞之論嚴尤申其要遺業猶在文章具存循二子之策守先帝之規臣曰可矣臣邕愚慙議不足采臣邕頓首

本集袁宏後漢紀二十四後漢鮮卑傳通典一百九十六

宗廟迭毀議

左中郎將臣邕議曰爲漢承亡秦滅學之後宗廟之制不用周禮每帝卽世輒立一廟不止于七不列昭穆不定迭毀孝元皇帝時丞相匡衡御史大夫貢禹始建大議請依典禮孝文孝武孝宣皆曰功德茂盛尊崇廟稱爲宗不毀孝文曰太宗孝武曰世宗孝宣曰中宗初孝宣尊崇孝武時中正大臣夏侯勝等猶執異議欲出世宗不應爲宗至孝成皇帝時議猶不定太僕王舜中壘校尉劉歆據經傳義謂不可毀上從其議古人據正重慎不敢私其君父若此其至也後遭王莽之亂光武皇帝受命中興廟稱世祖孝明

皇帝聖德聰明、政參文宣、廟稱顯宗、孝章皇帝至孝、蒸蒸仁恩、溲大海內、賴祉廟稱肅宗、比方前世、得禮之宜、自此已下、政事多變、權移臣下、嗣帝殷勤、各欲褒崇、至親而已、臣下懦弱、莫能執夏侯之直、故遂衍濫、無有方限、今聖朝遵古復禮、已求厥中、誠合事宜、禮傳封儀、自依家法、不知國家舊有宗儀、聖主賢臣所共勗定、欲就六廟黜損所宗、違先帝舊章、未可施行、臣謹案禮制七廟三昭三穆、與太祖七、孝元皇帝世在第八、光武皇帝世在第九、故曰元帝爲考、廟尊而奉之、孝明遵述、亦不敢毀、元帝于今朝九世、已七廟言之、則非所宗、親盡宜毀、八月酬報、可出、元帝主、比惠景昭成哀平帝五年而再殷、合食于太祖、孝章皇帝、孝安皇帝、孝桓皇帝、親在三昭、孝和皇帝、孝順皇帝、孝靈皇帝、親在三穆、廟親未盡、四時常陳、孝和已下、穆宗、恭宗、敬宗、威宗之號、皆宜省去、已遵先典、殊異祖宗、不可參竝之義、今又總就一堂、崇約尚省、不復改作、惟

主及几筵應改而已正數世之所關爲無窮之常典稽禮制之舊則合神明之歡心臣愚慙議不足采臣世云云本集袁宏後漢紀二十六續漢祭祀

志下注補引袁山松書載世議通典四十七

被州辟辭讓申屠蟠

申屠蟠稟氣玄妙性敏心通喪親盡禮幾于毀滅至行美義人所

鮮能安貧樂澁味道守眞不爲燥涇輕重不爲窮達易節方之于

邕曰齒則長曰德則賢後漢申屠蟠傳

與何進書薦邊讓

明將軍曰申甫之德當中興之隆建上將之任應秉國之權妖寇作孽震驚京師運籌帷幄定策屈勝先擒馬元歸近之變天兵致誅充豫曰清翼荆用次雲消席捲克厭眾心王室已寧萬國兆民莫不賴祉伏惟幕府初開博選清英華髮舊德竝爲元龜成功立事莫不畢舉雖振鷺之集西雝濟濟之在周庭無曰或加伏見令

史陳畱邊讓字文禮天授逸才聰明賢智纂成伐柯不遠之則鄙
齷夙孤不墜家訓及就學廬便就大典閒不遊戲初覽諸經見本
知義尋端極緒授者不能荅其問章句不能遂其意詩書易禮先
通三業已次大義略舉眾傳篇章無術不綜心通性達割織入冥
口辯辭長而節之已禮安詳審固守持內定非禮勿動非法不言
若處狐疑之論定嫌審之分經典交至檢括參合眾夫寂焉莫之
能奪也使讓生于先代在唐虞則元凱之比當仲尼則顏冉之亞
豈徒世俗之凡偶兼渾是非講論而已哉才藝言行卓逸不羣階
級名位亦宜超然不曰常制爲限長幼之拘若復輩從此郡選舉
非所已彰瓌璋之高價昭大知之絕足也傳曰函牛之鼎一旦立
之已烹雞多汁則淡而不可食少汁則焦而不可熟此言大器之
于小用固有所不宜也邕誠竊悵恨怪此寶鼎未受犧牛大羹之
和久在煎熬轡馘之閒願明將軍回謀守慮思垂采納就讓疾病

當觀察之吏曰虧缺招延表貢行壯列于王府躋之宗伯納之機密展其力用副其器量夫若曰年齒爲嫌則顏淵不得冠德行之首子奇不得紀治阿之功苟能其事古今一也密疎特表及期而行邦國其昌邑寢疾羸旬旬拜寄不敢須通本集後漢邊讓傳

徙朔方報楊復書

昔此徙者故城門校尉梁伯喜南郡太守馬季長或至三歲近者歲餘多得旋返自甘罪戾不敢慕此段公路北戶錄

徙朔方報羊陟書

幸得無恙遂至徙所自城呂西惟青紫鹽也同上

與故郡將子橋伯尉書

枉屈麟鸞奉計王室書鈔四十

與梁伯張府君書

復惠良筆下士所無書鈔一百四

與袁公書

朝夕游談從學宴飲酌麥醴燔乾魚欣欣焉樂在其中矣

書鈔一百四十一

八文選應場

百一詩注

大官令執役斯碎非文雅所使也

書鈔五十五

侍中執事相見無期惟是筆疏

文選注作筆跡

可已當面

書鈔一百四十一文

選陸機謝平原內史表注

邕薄祜早喪二親年踰三十髣髴一色叔父親之猶若幼童居則

侍坐食則比豆

御覽四百三十二

家祖居常言客有三當死夜半蠶時至入室家也今者一行而犯

其兩

御覽八百二十五

釋誨

閑居翫古不交當世感東方朔客難及楊雄班固崔駰之徒設疑

曰白通乃斟酌羣言題其是而矯其非作釋誨曰戒厲云爾

有務世公子誨于華顛胡老曰蓋聞聖人之大寶曰位故曰仁守

位曰財聚人然則有位斯貴有財斯富行義達道士之司也故伊

摯有負鼎之術仲尼設執鞭之言甯子有清商之歌百里有豢牛

之事夫如是則聖哲之通趣古人之明志也今夫子生清穆之世

稟醇和之靈覃思典籍韞積六經安貧樂賤與世無營

文選稽康幽憤詩注

引此沈精重淵抗志高冥包括無外綜祈無形其已久矣曾不能

拔萃出羣揚芳飛文登天庭序彝倫埽六合之穢惡清宇宙之埃

塵連光芒于白日屬炎氣于景雲時逝歲暮默而無聞小子惑焉

是曰有云方今聖上寬明輔弼賢知崇英逸偉不墜于地德弘者

建宰相而裂土才羨者荷榮祿而蒙賜盍亦回塗要至俛仰取容

輯當世之利定不拔之功榮家宗于此時遺不滅之令蹤夫獨未

之思邪何爲守彼而不通此胡老傲然而笑曰若公子所謂覩曖

味之利而忘明哲之害。專必成之功而忽蹉跌之敗者已。公子謖爾斂衽而興曰。胡爲其然也。胡老曰。居吾將釋汝。昔自太極君臣始基。有羲皇之洪靈。唐虞之至時。三代之隆。亦有緝熙五伯扶微。勤而撫之。于斯已降。天網縱人絃弛。王塗壞。太極隨。君臣土崩。上下瓦解。于是智者騁詐。辯者馳說。武夫奮勇。戰士講銳。電駭風馳。霧散雲披。變詐乖詭。言合時宜。或畫一策而縮萬金。或談崇朝而錫瑞珪。連衡者六印歸落。合縱者駢組流離。隆貴翕習。積富無崖。據巧蹈機。言忘其危。夫華商蒂而萎。條去幹而枯。女冶容而淫。士背道而辜。人毀其滿。神疾其邪。利端始萌。害漸已芽。速速方輟。天大是加。欲豐其屋。乃葺其家。是故天地否閉。聖哲潛形。石門守農。沮溺耦耕。顏歎抱璞。蘧瑗保生。齊人歸樂。孔子斯征。壅渠驂乘。逝而遺輕。夫豈傲主而背國乎。道不可已傾也。且我聞之。日南至則黃鍾應。融風動而魚上冰。蕤賓統則微陰萌。菝葭蒼而白露凝。寒

暑相催陰陽代興運極則化理亂相承今大漢紹陶唐之洪烈溫
四海之殘災隆隱天之高拆絕地之基皇道惟融帝猷顯丕泯泯
庶類含甘吮滋檢六合之羣品躋之乎雍熙羣僚恭已于職司聖
主垂拱乎兩楹君臣穆穆守之曰平濟濟多士端委縉緹鴻漸盈
階振鷺充庭譬猶鍾山之玉泗濱之石累珪璧不爲之盈採浮磬
不爲之索曩者洪源辟而四隩集武功定而干戈戢徽猷寔而吉
甫宴城濮捷而晉凱入故當其有事也則蓑笠竝載擐甲揚鋒不
給于務當其無事也則舒紳緩佩鳴玉曰步綽有餘裕夫世臣閥
子誓御之族天隆其祐主豐其祿抱膺從容爵位自從攝須理髯
餘官委貴其進取也順傾轉圓不足曰喻其便逡巡放屣不足曰
況其易夫夫有逸羣之才人人有優瞻之智童子不問疑于老成
瞳矇不稽謀于先生心恬澹于守高意無爲于持盈粲乎煌煌莫
非華榮明哲泊焉不失所寧狂淫振蕩乃亂其情貪夫徇財夸者

死權瞻仰此事體躁心煩闇謙盈之効迷損益之數騁驚駘于修
路慕騏驥而增驅卑俯乎外戚之門乞助乎近貴之譽榮顯未副
從而顛蹶下獲熏胥之辜高受滅家之誅前車已覆襲軌而驚曾
不鑒禍曰知畏懼予誰悼哉害其若是天高地厚跼而踣之怨豈
在明患生不思戰戰兢兢必慎厥尤且用之則行聖訓也舍之則
藏至順也夫九河盈溢非一曲所防帶甲百萬非一勇所抗今子
責匹夫曰清宇宙庸可曰水旱而累堯湯乎懼煙炎之毀燔何光
芒之敢揚哉且夫地將震而樞星直井無景則日陰食元首寬則
望舒眺侯王肅則月側匿是曰君子推微達著尋端見緒履霜知
冰踐露知暑時行則行時止則止消息盈沖取諸天紀利用遭泰
可與處否樂天知命持神任已羣車方奔乎險路安能與之齊軌
思危難而自豫故在賤而不恥方將騁馳乎典籍之崇塗休息乎
仁義之淵鼓盤旋乎周孔之庭宇揖儒墨而與爲友舒之足曰光

四表收之則莫能知其所有。若乃丁千載之運，應神靈之符，閭闔
闔乘天衢，擁華蓋，奉皇樞，納玄策于聖德，宣太平于中區，計合謀
從己之圖也。勳績不立，予之辜也。龜鳳山翳，霧露不除，踴躍草萊，
祇見其愚。不我知者，將謂之迂。修業思真，棄此焉如。靜已俟命，不
數不渝。百歲之後，歸乎其居。幸其獲稱，天所誘也。罕漫而已，非已
咎也。昔伯翳綜聲于鳥語，葛盧辨音于鳴牛。董父受氏于豢龍，奚
仲供德于衡輅。偃氏興政于巧工，造父登御于驊駟。非子享土于
善園，狼臆取右于禽囚。弓父必精于筋角，欽非明勇于赴流。壽王
創基于格五，東方要幸于談優。上官効力于執蓋，弘羊據相于運
籌。僕不能參跡于若人，故抱璞而優遊。于是公子仰首降階，忸怩
而避。胡老乃揚衡含笑，援琴而歌。歌曰：練子心兮浸太清，滌穢濁
兮存正靈。和液暘兮神氣寧，情志泊兮心亭亭。嗜欲息兮無由生，
踔宇宙而遺俗兮，眇翩翩而獨征。

本集後漢蔡邕傳
甄文類聚二十五

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷七十四

烏程嚴可均校輯

蔡邕 六

陳留太守行縣頌

并序

府君勸耕桑于屬縣

文選陸機吳趨行注又孔稚珪北山移文注

行小黃縣

大顯爲政建時春陽我君勸止戾茲小黃濟濟羣吏攝齊升堂乃訓乃厲示之憲方原罪曰心察獄曰情欽于刑濫惟務求輕有辜小罪放死從生立化洽矣黔首用寧惟曰作頌式昭德聲

鍾文類聚五十

行考城縣

曖曖立路北至考城勸茲穡民東作是營農桑之業爲國之經我君勤心德音邈成率爾苗民慎不敬聽女執伊筐男執其耕申戒羣僚務在寬平罪人赦宥罔罔用情

藝文類聚五十

潁川太守王立義葬流民頌

哀此骷髏，慨彼孤魂。遭水爲泥，逢風成塵。殮以時服，葬于洛濱。北堂書鈔三十九

胡廣黃瓊頌

巖巖山嶽，配天作輔。降神有周，生申及甫。允茲漢室，誕育二后。曰胡曰黃，方軌齊武。惟道之淵，惟德之藪。股肱元首，代作心膂。天之烝人，有則有類。我胡我黃，鍾厥純懿。巍巍特進，初踐其位。赫赫三事，七佩其紱。弈弈四牡，沃若六轡。衮職龍章，其文有蔚。參曜乾台，窮寵極貴。功加八荒，羣生曰遂。超哉逸猗，莫參其二。後漢胡廣傳：帝圖畫廣及太尉黃瓊于省內，詔議郎蔡邕爲其頌。注引謝承書：本集外傳文選潘岳西征賦注引末一語。顏延之皇太子釋奠會詩注引宋二語。

京兆樊惠渠頌

法範八政，一曰食。周禮九職，一曰農。有生之本，于是乎出。貨殖財

用于是乎在九土上沃爲大田多稔然而地有塉瘠川有墊下溉
灌之使形趨不至明哲君子勸業農事因高卑之宜驅自行之勢
呂盡水利而富國饒人自古有焉若夫西門足穀鄆國行秦李冰
在蜀信臣治穰皆此道也陽陵縣東厥地衍曠土氣辛螫嘉穀不
植草萊焦枯而涇水長流溉灌維首編戶齊氓庸力不供牧人之
吏謀不暇給蓋常興役猶不克成光和五年京兆尹樊君諱陵字
得雲勤恤民隱悉心政事苟有可已惠斯人者無聞而不行焉遂
諮之郡吏中于政府僉曰爲因其所利之事者不可已者也乃命
方略大吏勸遂令五瓊揣度計慮揆程經用曰事上聞副在三府
司農遂取財于豪富借力于黎元樹柱累石委薪積土基趾功堅
體勢強壯折湍流欵曠陂會之于新渠流水門通窻瀉洒之于畎
畝清流浸潤泥潦浮游曩之鹵田化爲甘壤粳黍稼穡之所入不
可勝算農民熙怡悅豫且康相與謳談壠畔斐然成章謂之樊惠

渠云爾其歌曰

我有長流莫或闕之我有溝洫莫或達之田疇斥鹵莫修莫治饑饉困瘁莫恤莫思乃有樊君作人父母□□□□立我畎畝黃潦膏凝多稼茂止惠乃無疆如何勿喜我壤旣營我疆斯成泯泯我人旣富且盈爲酒爲醴烝畀祖靈貽福惠君壽考且盛

本集藝文類聚九書

鈔三十九

祖德頌有序

昔文王始受命武王定禍亂至于成王太平乃洽祥瑞畢降夫豈后德熙隆漸浸之所通也是曰易嘉積善有餘慶詩稱子孫其保之非特王道然也賢人君子修仁履德者亦其有焉昔我列祖暨于予考世載孝友重曰明德率禮莫違是曰靈祇降之休瑞免擾馴曰昭其仁木連理曰象其義斯乃祖禰之遺靈盛德之所貺也豈我童蒙孤稚所克任哉乃爲頌曰

穆穆我祖世篤其仁其德克明惟懿惟醇宣慈惠和無競伊人巖巖我考蒞之曰莊增崇丕顯克構其堂是用祚之休徵惟光厥徵伊何於昭于今園有甘棠別幹同心墳有擾兔宅我柏林神不可誣僞不可加析薪之業畏不克荷矧貪蠹貺曰爲己華惟予小子豈不是欲干有先功匪榮伊辱

本集屬文類聚二十

五靈頌

麟

皇矣大角降生靈獸視明禮條麒麟來乳春秋既書爾來告就庶

士子鉏獲諸西狩

初學記二十九

白虎

犬梁乘精白虎用生思報信立繞于垣垠

藝文類聚九十九

焦君贊

猗歟焦君常此立壘衡門之下栖遲偃息泌之洋洋樂曰忘食鶴

鳴九皋音亮帝側乃徵乃用將受衮職昊天不弔賢人遘慝不惟

一志并此四國如何穹蒼不昭斯惑惜哉朝廷喪茲舊德恨已學

士將何法則藝文類聚二十九

太尉陳公贊

公在百里有西產之惠賜命方伯分陝餘慶餘慶伊何兆民其懌

少者是懷老者是安綱紀文王文王用平東督京輦京輦用清乃

登三事三事攸寧契稷之佐具于堯庭今則由古于穆誕成藝文類聚

四十六、案太尉陳耽陳球

俱與世並時此疑是陳球御覽七百五十一引孫賜之述畫曰漢靈帝詔崇

赤泉侯五世像贊世圖亦京族楊喜五世將相形像于省中又詔

世為贊仍令自書之世文書于時獨擅案歷代名畫記已趙岐劉哀蔡邕張衡並列今人不復知有蔡畫矣

正交論

聞之前訓曰君子已朋友講習而正人無有淫朋是已古之交者

其義敦已正其誓信已固逮夫周德始衰頌聲既寢伐木有烏鳴

之賴谷風有棄予之怨其所由來政之缺也自此已降彌已陵遲
或闕其始終或彊其比周是已縉紳患其然而論者諄諄如也疾
淺薄而攜貳者有之惡朋黨而絕交游者有之其論交也曰富貴
則人爭趨之貧賤則人爭去之案文選應璩與曹長思書注引蔡邕正論云皮朽則毛落水涸則魚
逝其勢然也當是此下脫文正是已君子慎人所已交已審已所
已交人富貴則無暴集之客貧賤則無棄舊之賓矣故原其所已
來則知其所已去見其所已始則觀其所已終彼貞士者貧賤不
待夫富貴富貴不驕夫貧賤故可貴也蓋朋友之道有義則合無
義則離善則久要不忘平生之言惡則忠告善誨之不可則止無
自辱焉故君子不爲可棄之行不患人之遺已也信有可歸之德
不病人之遠已也不幸或然則躬自厚而薄責于人怨其遠矣求
諸已而不求諸人咎其稀矣夫遠怨稀咎之機咸在乎躬莫之能
改也子夏之門人間交于子張而二子各有聞乎夫子然則已交

誨也商也寬故告之曰拒人師也偏故訓之曰容眾各從其行而
矯之至于仲尼之正教則汎愛眾而親仁故非善不喜非仁不親
交游曰方會友曰文可無貶也穀梁子亦曰心志既通名譽不聞
友之罪也今將患其流而塞其源病其末而刈其本無乃未若擇
其正而黜其邪與其彼農皆黍而獨稷焉夫黍亦神農之嘉穀
與稷竝爲衆盛也使交而可廢則黍其愆矣括二論而言之則刺
薄者博而洽斷交者貞而孤孤有羔羊之節與其不獲已而矯時
也走將從夫孤焉

後漢朱穆
傳論注

銘論

春秋之論銘也曰天子令德諸侯言時計功大夫稱伐昔肅慎納
貢銘之櫜矢所謂天子令德者也黃帝有巾几之法孔甲有槃杆
之誠殷湯有甘誓之勒甕鼎有不顯之銘武王踐阼咨于太師而
作席机楹杖雜銘十有八章周廟金人緘口書背銘之曰慎言亦

所已勸進人主勛于令德者也昔召公作誥先王賜朕鼎出于武

當曾水呂尚作周太師而封于齊其功銘于昆吾之冶漢獲齊侯

寶樽于槐里此句從御覽七百六十一補獲寶鼎于美陽仲山甫有補袞闕式

百辟之功周禮司勛凡有大功者銘之大常所謂諸侯言時計功

者也宋大夫正考父三命茲益恭而莫悔其國衛孔惺之父莊叔

隨難漢陽左右獻公衛國賴之皆銘于鼎晉魏顥獲秦杜回于輔

氏銘功于景鐘所謂大夫稱伐者也鐘鼎禮樂之器昭德紀功已

示子孫物不朽者莫不朽于金石故碑在宗廟兩階之間此句從

陀寺碑近世已來咸銘之于碑德非此族不在銘典此二語從文選新刻漏銘

注引補御覽五百九十續漢律厤志中注補引蔡邕命論一段命當作令乃月令論也見卷十二

陳仲舉李元禮論

仲舉強于犯上元禮長于接下犯上為難接下為易仲舉為先元

禮後矣御覽四百四十七姚信士緯引陳雷蔡伯喈云

敘樂

世祖追修前業采讖緯之文曰天子樂府曰黃門鼓吹

北堂書鈔九十六篇

篇引蔡邕敘樂

案此卽成遂上章之樂意唯多首二語耳本傳稱邕所著百四篇有敘樂一篇卽此篇也

車駕上原陵記

建寧五年正月車駕上原陵蔡邕爲司徒掾從公行到陵見其儀愀然謂同坐者曰聞古不墓祭朝廷有上陵之禮殆爲可損今見其儀察其本意乃知孝明皇帝至孝惻隱不可易奪或曰本意云何昔京師在長安時其禮不可盡得聞也光武卽世始葬于此明帝嗣位踰年羣臣朝正感先帝不復聞見此禮乃帥公卿百寮就園陵而創焉尚書陞西陞爲神坐通典作尚書階西祭設神座天子事亡如事存之意苟先帝有瓜葛之屬男女畢會王侯大夫郡國計吏各向神坐而言庶幾先帝神魂聞之今者日月久遠後生非時人但見其禮不知其哀已明帝聖孝之心親服三年久在園陵初興此儀

仰察几筵下顧羣臣悲切之心必不可堪邕見太傅胡廣曰國家
禮有煩而不可省者昔不知先帝用心周密之至于此也廣曰然
子宜載之已示學者邕退而記焉續漢禮儀志上注引謝承書又見袁宏後漢紀二十三通典五

連珠

道爲知者設馬爲御者良賢爲聖者用辨爲知者通書鈔九十九引蔡邕連珠

臣聞目瞶耳鳴近夫小戒也狐鳴犬噪家人小祲也猶忌慎動作

封鎖書符已防其禍是故天地示異災變橫起則人主恆恐懼而

修政御覽四百五十九引蔡邕廣連珠

參絲之絞已絃琴緩張則撓急張則絕御覽八百十四引蔡邕廣連珠

東鼎銘

維建寧三年秋八月丁丑延公于玉堂前廷乃詔曰其已大鴻臚
喬立爲司空再拜稽首已讓帝曰俞往哉三讓然後受命公乃虔

恭夙夜帝采勤施八方旁作穆穆已對揚天子丕顯休命越在先
民毗佐天子罔不著其股肱畢其思心式率天行式昭德音公亦
克紹厥由鑒于法罔敢不法憲于誠罔敢不誠用總是羣后保乂
帝家勛在方策民咸曰休哉惟帝念功越若來二月丁丑遷于司
徒

本集藝文類
聚四十七

中鼎銘

維建寧四年春三月丁丑延公登于玉堂前廷乃制詔曰其已司
空喬立爲司徒公拜稽首已讓帝曰俞往哉三讓然後受命公允
迪厥德宣力肆勤戰戰兢兢已役帝事越其所已率夫百辟媚于
天子天子曰都愼厥身修思永同寅協恭已和天衷德則昭之遠
則塞之回乃不敢不彌枉乃不敢不匡股肱之事旣充三事之繇
允備災眚作見乃引其責曰凡庶徵不若彝倫不敘是惟臣之職
祇已疾告表越十日庚午記此

本集藝文類聚四十七書
鈔五十二御覽二百八

西鼎銘

維光 and 元年冬十二月丁巳延公入崇德殿前乃制詔曰其已光祿大夫立爲太尉公拜稽首曰臣聞之三讓莫或克從臣不敢辭臣大馬齒七十可已生可已死其戮力閑私悉心在公已盡爲臣之節于時侍從陞階與聞公之昌言者莫不惕厲如履薄冰旣乃

碑表百代

本集

黃鉞銘

孝桓之季年鮮卑入塞抄盜起匈奴左部梁州叛羌逼追兵誅淫衍東移高句麗嗣子百固逆謀竝發三垂騷然爲國憂念西府表喬公昔在梁州柔遠能爾不煩軍師而車師克定及在上谷漢陽連在營郡膺力方剛明集御眾徵拜度遼將軍始受旄鉞鉦鼓之任扞禦三垂公曰吏士頻年在外勤于奔命人馬疲羸撓鈍請且息州營橫發之役已補困憊朝廷許之于是儲廩豐饒室罄不懸

人逸馬同弓勁矢利而經用省息官有餘資執事無放散之尤簿
書有進入之贏治兵示威戎士踴躍旌旗曜日金鼓霆奮守有山
岳之固攻有必克之勢羌戎受首于西疆百固冰散于東鄰鮮卑
收迹烽燧不舉時事三年馬不帶銜弓不受弮是用鏤石作茲鉦
鉞軍鼓陳之東階曰昭公文武之勛焉銘曰

帝命將軍仇茲黃鉞威靈振耀如火之烈公之蒞止羣狄斯柔齊
斧罔設介士斯休

本集藝文類聚六十八北堂書
鈔一百十五引此篇爲鼎銘

鼎銘

忠文朱公名穆字公叔有殷之胃微子啟曰帝乙元子周武王封
諸宋曰奉成湯之祀至元子啟生公子朱其孫氏焉後自沛遷于
南陽之宛遂大于宋爵位相襲烈祖尙書令肅宗之世守于臨淮
考曰實爲陳畱太守乃及忠文克慎明德曰紹服祖禰之遺風悉
心臣事用媚天子顯允其勳績尋綜六藝契闊馳思所已啟前惑

而覺後疑者。聲輒馬。雖商假其。猶病諸。初舉孝廉。除郎中尚書侍
郎。獨念運際存亡之要。乃陳五事。諫謀深切。退處畎畝。已察天象。
驗應著焉。孝順晏駕。賊發江淮。時辟大將軍府。實掌其事。用拜宛
陵令。非其好也。遂已疾辭。復辟大將軍。再拜博士高第。作御史明
司國憲。已齊百僚。矯枉董直。固曰阿順。已黜其位。潛于郎中。羣公
竝表。乃遷議郎。登于東觀。纂業前史。于是冀州內荒。年饑民匿。而
貪婪之徒。乘之爲虐。錫命作牧。靜其方隅。乃攄洪化。奮靈武。昭令
德。塞羣違。貞良者封植。殘戾者芟夷。去惡除盜。無俾比而作匿。用
陷于非辜。復徵拜議郎。病免官。徵拜尚書。清一已考其素。正直已
醇其德。出納帝命。乃無不允。雖龍作納言。山父喉舌。靡已尚之。享
年六十有四。漢皇二十一世。延熹六年夏四月乙巳。卒于官。天子
痛悼。詔曰。制詔尚書朱穆立節忠亮。世篤爾行。虔恪機任。守死善
道。不幸而卒。朝廷閔焉。今使權諄者中郎楊賁。贈穆益州刺史印。

綬魂而有靈嘉其寵榮嗚呼哀哉肆其孤用作茲寶鼎銘載休功
卑後裔永用享祀已知其先之德

本集

酒樽銘

酒已成禮弗繼已淫德將已荒過則荒沈盈而不冲古人所箴尚

鑒茲器茂勸厥心

藝文類聚卷七十三

警枕銘

應龍蟠蛰潛德保靈制器象物亦

藝文類聚卷七十四

有其形哲人降鑒居

安慮傾

北堂書鈔卷一百三十四

槃銘

華榮就用已享嘉賓內丹其實外若玄真

御覽七百五十八

銅籥銘

籥黃鍾之宮長九寸空圍九分容秬黍一千二百粒稱重十二銖

兩之爲一合三分損益轉生十二律

隋書律曆志上審度祖孝孫云相承傳是蔡邕銅籥

女訓

舅姑若命之鼓琴必正坐操琴而奏曲若問曲名則捨琴興而對

而字從書鈔一百九補

曰某曲坐若近則琴聲必聞若遠左右必有贊其言

者凡鼓小曲五終則止大曲三終則止無數變曲無多少尊者之聽未厭不敢早止若顧望視他則曲終而後止亦無中曲而息也琴必常調尊者之前不更調張私室若近舅姑則不敢獨鼓若絕遠聲音不聞鼓之可也鼓琴之夜有姊妹之宴則可也

御覽五百七十七

女誠

禮女始行服纁纁絳也絳正色也紅紫不巳爲褻服緇綠不巳爲

上服繒貴厚而色尚深爲其堅紉也

御覽八百十四

而今之務在奢麗志好美飾帛必薄組采必輕淺或一朝之晏再

三易衣從慶移坐不因故服

書鈔未改竄本一百二十九引蔡邕女誠陳禹謨本作衣箴張溥等皆爲

誤所

夫心猶首面也。是已甚致飾焉。面一旦不修飾。則塵垢穢之。心一朝不思善。則邪惡入之。人咸知飾其面。而莫修其心。惑矣。夫面之不飾。愚者謂之醜。心之不修。賢者謂之惡。愚者謂之醜。猶可。賢者謂之惡。將何容焉。故覽照拭面。則思其心之潔也。傅脂則思其心之和也。加粉則思其心之鮮也。澤髮則思其心之順也。用櫛則思其心之理也。立髻則思其心之正也。攝鬢則思其心之整也。文選張華女史傳注御覽三百六十五四百五十九七百十四七百十八七百二十

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷七十五

烏程嚴可均校輯

蔡邕

九疑山碑

巖巖九疑，峻極于天。觸石膚合，興播建雲。時風嘉雨，浸潤下民。芒芒南土，實賴厥助。建于虞舜，聖德光明。克諧頑傲，曰孝烝烝。師錫帝世，堯而授徵。受終文祖，璇璣是承。泰階曰平，人曰有終。遂葬九疑，解體而升。登此崔嵬，託靈神仙。甄文類聚七

光武濟陽宮碑

惟漢再受命曰世祖光武皇帝。考南頓君初爲濟陽令，濟陽有武帝行過宮，常封閉。帝將生，考曰：「令舍下溼，開宮後殿居之。」建平元年十二月甲子夜，帝生，時有赤光，室中皆明。使卜者王良卜之，良曰：「此善事，不可言。」歲有嘉禾，一莖生九穗，長于凡禾，因爲尊諱王。

室中微哀平短祚姦臣王莽踰有神器十有八年罪成惡熟天人
致誅帝乃龍見白水淵躍昆潰破前隊之眾殄二公之師收兵略
地經營河朔戮力戎功翼戴更始義不卽命帝位闕焉於是羣公
諸將據河洛之文協符瑞之徵僉曰麻數在帝踐祚允宜乃曰建
武元年六月乙未卽位于鄴縣之陽五成之陌祀漢配天罔失舊
物享國三十有三年方內乂安蠻夷率服巡狩泰山禪梁父皇代
之遐迹帝者之上儀罔不畢舉道德餘慶延于無窮先民有言曰
樂樂其所自生而禮不忘其本是曰虞稱嬀汭姬美周原皇天乃
眷神宮實始于此厥跡邈哉所謂神麗顯融越不可尚小臣河南
尹鞏瑋先祖銀艾封侯歷世卿尹受漢厚恩瑋曰商箕餘烈郡舉
孝廉爲大官丞來在濟陽願見神宮追惟桑梓褒述之義用敢作
頌

赫矣炎光爰耀其輝篤生聖皇二漢之微稽度乾則誕育靈姿黃

擊作惡纂握天機帝赫斯怒爰整其師應期潛見扶陽而飛禍亂
克定羣凶殄夷匡復帝載萬國已綏巡于四岳展義省方登封降
禪升于中皇爰茲初基天命孔彰子子孫孫保之無疆本集苑文類聚十二
陳留東昏庫上里社碑

曰社祀之建尚矣昔在聖帝有五行之官而共工子句龍爲后土
及其沒也遂爲社祀故曰社者土地之主也周禮建爲社位左宗
廟右社稷戎醜攸行于是受賑土膏恆動于是祈農又班之于兆
民春秋之中命之供祠故自有國至于黎庶莫不祀焉惟斯庫上
里古陽武之戶牖鄉也秦時有池子華爲丞相漢興陳平由此社
宰遂佐高帝克定天下爲右丞相封曲逆侯孝平之世虞延爲太
尉司徒封公至延熹中延弟曾孫放字子卿案延傳作子仲爲尚書令外
戚梁冀乘寵作亂首策誅之王室曰續詔封都亭侯太僕太常司
空毘天子而維四方克錯其功往烈有常于是司監爰暨邦人僉

曰爲宰相繼踵咸出斯里秦一漢三而虞氏世焉雖有積德餘慶修身之致亦斯社之所相也乃與樹碑作頌曰示後昆

惟王建祀明事百神乃顧斯社于我兆民明德惟馨其慶聿彰自
嬴及漢四輔代昌爰我虞宗乃世重光元勳既立錫茲土疆乃公
乃侯帝載用庸神人叶祚且巨且長凡我里人盡受嘉祥刊銘金
石永思不忘

太集史記陳丞相世家索隱書
鈔八十七御覽五百三十二

伯夷叔齊碑

熹乎五年天下大旱禱請名山求獲答應時處士平陽蘇騰字玄
成夢陟首陽有神馬之使在道明覺而思之曰其夢陟狀上聞天
子開三府請雨使者與郡縣戶曹掾吏登山升祠手書要曰君況
我聖主曰洪澤之福天尋興雲卽降甘雨也

續漢五行
志一注補

惟君之質體清良兮借佐殷姬忠孝彰兮委國捐爵諫國匡兮譏
武伐紂欲喻匡兮時不可救歷運蒼兮追念先侯受命皇兮憂懷

感口口口口今雖沒不板名字芳兮

魏文類聚
卷十七

王子喬碑

王孫子喬者蓋上世之眞人也聞其仙舊矣不知興于何代博問道家或言潁川或言彥蒙初建斯城則有斯丘傳承先民曰王氏墓紹肩不繼荒而不嗣歷載彌年莫之能紀暨于永和之元年冬十有二月當臘之夜墓上有哭聲其音甚哀附居者王伯聞而怪之明則祭其墓而察焉時天洪雪下無人徑見一大鳥跡在祭祀之處左右咸曰爲神其後有人着大冠絳單衣杖竹策立冢前呼樵孺子尹永昌曰我王子喬也爾勿復取吾墓前樹也須臾忽然不見時令太山萬壽稽故老之言感精瑞之應咨訪其驗信而有徵乃造靈廟曰休厥神于是好道之儔自遠來集或絃琴曰歌太一或覃思曰歷丹丘其疾病疴瘵者靜躬祈福卽獲祚若不虔恪輒顛蹠故知至德之宅兆實眞人之先祖也延熹八年秋八月皇

帝遣使者奉犧牲已致祀祇懼之敬肅如也國相東萊王璋字伯儀已爲神聖所興必有銘表昭示後世是已賴鄉仰伯陽之踪關民慕尹喜之風乃與長史邊乾訪及士隸遂樹之立石紀頌遺烈俾志道者有所覽焉

伊王君德通靈含光耀秉純貞應大道羨久榮棄世俗飛神形翔雲霄浮太清乘螭龍載鶴輶戴華笠奮金鈴揮羽旗曳霓旌懼固極壽億齡昭篤孝念所生歲終闕發丹情存墓冢舒哀聲遺鳥跡覺舊城被絳衣垂紫纓呼孺子告姓名由此悟感佈驚修祠宇反凡筵饋饌進甘香陳時傾顧馨明煙匡流祉熙帝庭祐邦國相黔民光景福耀無垠

本集水經取水注御覽三十三引蔡邕王喬錄

京兆尹樊陵頌碑

前漢戶五萬口有十七萬王莽後十不存一永初元年羌戎作虐至光和領戶不盈四千園陵蒞衛衆盛之供百役出焉民用匱乏

不堪其事

續漢郡國志一注補引蔡邕樊陵頌

於顯哲尹誕德孔彰膺帝休命謂篤不忘爰納忠式規悟聖皇欽

崇國邑大孝允光九命車服昭示采章軒輅四牡承祀蒸嘗多士

時貢絲役永息進路孔夷民

文選魏都賦注作人

清險棘同體諸舊兆萌蒙

福惠垂無疆守已罔極

藝文類聚六

琅邪王傅蔡朗碑

君諱朗字仲明蓋蒼頡之精胤姬稷之末胄也昔叔度文王之昭

建侯于蔡以國氏焉迄于平襄周祚微缺王室遂卑齊晉交爭強

楚侵陵昭侯徙于州來公族分遷氏家于圉奕葉載德常歷宮尹

已逮于茲君雅操明允威厲不猛履孝悌之性懷文藝之才包洞

典籍刊摘沈祕知機達要通含神契既討三五之術又采二南之

業已魯詩教授生徒雲集莫不自遠並至栖遲不易其志簞食曲

肱不改其樂心棲清虛之域行在玉石之間是已德行儒林智周

當代四岳稱名帝曰余聞元和

案下云永興此當是建和或元嘉之誤

元年徵拜博

士舒演與祕贊理闕文所立卓爾度臨雲縱其選士也抑頑錯枉進聖擢偉極遺逸于九皋揚明德于側陋拔茅已彙幽滯用濟加以清敏廣平好是正直規誨之策日諫于庭忠讜著烈令聞流行聖朝曰藩國貴胄先帝遺體或曰繼絕襲位正于阿保未洽雅訓驕盈僭差或蹈憲理非弘直顧儒莫能匡弼蔡君審行修德進退可度遷河間中尉琅邪王傳乃從經術之方示以裴謚之威率禮莫違其國用靖雖安國之輔梁孝仲舒之相江都靡已加焉勳績既盛帝簡其功將授上位遷于紫宮賦壽不永遽此疾凶年五十八永興六年夏卒嗚呼哀哉凡百君子咨痛罔極殷懷傷悼含涕流惻如何昊天喪我師則爰勒斯銘式昭其德銘曰

天縱明哲於赫我君含弘光大玄覽孔真潛樂教思韞玉衡門雲龍感應養徒三千珠藏外耀鳴聞天若時徵庸登祚王臣綜彼

前疑定此典文參佐七德俾相大灌身沒稱顯永遇令勳表行揚
名垂示後昆

集本

玄文先生李休碑

玄文先生名休字子材南陽宛人也其祖李伯陽周柱下史覲衰
世而遁焉其後雄俊豪傑往往崛起自戰國及漢名臣繼踵枝胄
散逸其遷于宛尚矣王莽竊位漢祚中移考翼佐世祖匡復郊廟
錫封茅土卿相牧守于時相逐休少已好學游心典謨既綜七經
又精羣經鉤深極奧窮覽聖旨居則玩其辭動則察其變雲物不
顯必考其占故能獨見前識以先神意若古今常難疑義錯繆前
人所希論後學所不覽休盡剖判剝散幽暗靡不昭爛猶發憤于
目所不覩體所不閑遂登東岳觀百王遺風習容闕里以協禮衷
退而講誨童冠仰焉僂僂如也郡署五官掾功曹司空胡公顯已
儒譽特進大鴻臚仍優禮固請秉讓執虛辭此三命不爲利回不

爲義疾臨寵審已不動其守可謂純潔皓素綽有餘裕者已其於鄉黨細行敦睦九族篤信交友不可得而詳也初娶配出後配未字年既五十苗胤不嗣已永壽二年夏五月乙未卒凡其親昭朋徒臭味相與大會而葬之鼎俎之禮節文曲備時令戴君臨喪命諡郡遣丞掾冠蓋咸屆既定而後罷焉于是故好友朋僉已爲仲尼既沒文不在茲韞櫝美玉喪莫賈之求而無繼懷爾永思乃刊斯石懿德是不

吁茲先生秉德恭勤天啟哲心其學孔純經緯是綜雅麗是分行已守道匪禮不遵處約不戚聞寵不欣榮不能華威不能震天淑厥命曰讓曰仁有惠云載惟邦之珍案典考論號曰立文身沒名彰配黔作鄰遐譽罔極丕昭億年嗚呼哀哉

本集藝文類
卷三十七

汝南周勰碑

君諱勰字巨勝陳畱太守之孫光祚勳之子也君應坤乾之清靈

字在無
子止

繼命世之期運。立懿清朗貞厲精粹體仁足已長人。嘉德足已合
禮。總六經之要。括河洛之機。援天心已立。鈞贊幽明已揆。時沈靜
微密。淪于無內。寬裕弘博。合乎無外。巨細洪纖。罔不總也。是已實
繁于華。德盈乎譽。初已父任拜郎中。疾去官。察孝廉。是時郡守梁
氏外戚貴寵。非其好也。遂已病辭。太守復察孝廉。乃俯而就之。已
明可否。然猶私存衡門。講誨之樂。不屑已也。又委之而旋。故大將
軍梁冀。專國作威。海內從風。世之雄才優逸之徒。莫不委質從命。
而顛覆者蓋已多矣。聞君洪名。前後三辟。而卒不降身。由是縉紳
歸高。羣公事德。太尉司徒再辟三辟。察賢良方正。州舉孝廉。皆病
不就。擾攘之際。災眚仍發。聖上詢諮。師錫策命。公車特徵。君仰瞻
天象。俯效人事。世路多險。進非其時。乃託疾杜門。靜居里巷。無人
跡外。庭生蓬蒿。如此者十餘年。強禦不能奪其守。王爵不能滑其
慮。至延熹二年。乃更開門延賓。享宴娛樂。及秋而梁氏誅滅。十二

月君卒然則識幾知命可視于斯矣洋洋乎若德雖崇山千仞重淵百尺未足已喻其高究其深也夫三精垂耀處者有表爰在上世作者七人焉有該百行備九德齊光日月洞靈神明如君之至者與實所謂天民之秀也享年五十不登期考遐邇歎悼痛心矢圖乃相與建碑勒銘已徵休美其辭曰

厥初生民天賜之性有龐有醇有否有聖伊維周君允丁其正誕茲明德自貽哲命煥乎其文如星之布確乎不拔如山之固追蹤先緒應期作度潛心大猷譚思德謨遁世無悶屢辭王寮洋洋泌丘于已逍遙蔑爾童蒙是訓是教瞻彼榮寵譬諸雲霄優哉游哉侔此弘高名振華夏光耀昆苗清風丕揚德音孔昭

本集

朱穆墳前方石碑

維漢二十一世延熹六年粵四月丁巳文忠公益州太守朱君名穆字公叔卒于京師其五月丙申葬于宛邑北萬歲亭之陽舊兆

域之南其孤野受顧命曰古者不崇墳不封墓祭服雖三年無不
于寢今則易之吾不取也爾其無拘于俗無廢于誠野欽率遺意
不敢有違封墳三板不起棟宇乃作祠堂于邑中舊南陽里備器
鑄鼎銘功載德懼墳封彌久夷于平壤于是依德像緣雅則設茲
方后鎮表靈域用慰其孤罔極之懷乃申詞曰

歆惟忠文時惟朱父實天生德丕承洪緒彌綸典術允迪聖矩好
是貞厲疾彼強禦斷剛若讐柔亦不茹仍用明夷邁難受侮帝曰
休哉朕嘉乃功命汝納言脣女祖蹤父拜稽首翼翼惟恭篤棊不
忘夙夜在公昊天不弔降茲殘殃不遺一父俾屏我皇我皇悼心
錫詔孔傷位曰益州贈之服章用刊彝器宣昭遺光子子孫孫永
載寶藏

本集

太尉楊秉碑

公諱秉字叔節弘農華陰人也其先蓋周武王之穆晉唐叔之后

也。末葉呂支子食邑于楊。因氏焉。周家既微。裔胄無緒。暨漢興烈。祖楊熹佐命征伐。封赤泉侯。嗣子業絳冕相繼。公之丕考。曰忠。蹇亮弼輔孝安。登司徒太尉。公承夙緒。世篤儒教。曰歐陽尚書京氏。易誨授四方學者。自遠而至。蓋踰三千。初辟司空。舉高第。拜侍御史。遷豫州兗州刺史。任城相。徵入勸講。拜太中大夫。左中郎將。尚書。出補右扶風。留拜光祿大夫。遭權嬖貴盛。六年守靜。外戚火燔。乃遷太僕卿。公事絀位。浹辰之間。俾位河南。憤疾豪強。見造奸黨。用嬰疾。廢起家。復拜太常。遂涉三司。沙汰虛冗。料簡貞實。抽援表達。與之同蘭芳。任鼎重。從駕南巡。爲朝頌德。然知權過于寵。私富侔國。大臣苛察。望變復還。條表具聞。啟導上怒。其時所免州牧郡守五十餘人。饗戾是紬。英才是列。善否有章。京夏清肅。在位七載。年七十有四。延熹八年五月丙戌薨。朝廷惜焉。寵賜有加。自奉嚴敕。動遵禮度。量材授任。當官而行。不爲義疚。疾是苛政。益固其守。

廚無宿肉器不鏤雕夙喪嬖寵妾不嬖御可謂立身無過之地正直清儉該備者矣昔仲尼有垂三戒而公克焉故能匡朝盡直獻可去奸忠侔前後聲塞宇宙非黃中純白窮達一致其惡能立功立事敷聞于下昭升于上若茲巍巍者乎于是門人學徒相與刊石樹碑表勒鴻勳讚懿德傳億年

於戲公唯岳靈天挺德翼赤精神網緼仁哲生應台任作邦植帝欽亮訪典刑道不忒迄有成光遐邇穆其清

本集藝文類聚四十六

陳雷太守胡碩碑

君諱碩字季叔交趾都尉之孫太傅安樂鄉侯少子也其先與楚同姓別封于胡已國爲氏臻乎口漢奕世載德不替舊勳君幼有嘉表克岐克嶷不見異物習與性成孝于二親養色寧意蒸蒸雍雍雖曾閔顏萊無已尚也總角入學治孟氏易歐陽尚書韓詩博綜古文周覽篇籍言語造次必已經綸加之行已忠儉事施順恕

公體所安爲眾共之。驕吝不萌于內，喜愠不形于外，可謂無競伊人。溫恭淑慎者也。初，已公在司徒除郎中，宿衛十年，遭叔父憂，已疾自免。州郡交辟，皆不就。後已大將軍高第，拜侍御史，遷諫議大夫。已將軍事，免官。舉賢良方正，不詣公車。建寧元年，召拜議郎，納忠盡規，匪懈于位。遷侍中，虎賁中郎將。是年遭疾，屢上印綬，詔書聽許。已侍中養疾，其年七月，被尚書召，不任應命。詔使謁者劉惔、賈印綬，卽拜陳留太守。君聞使者至，加朝服，拖紳，使者致詔，君已手自繫，陳辭謝恩。其月二十一日，遣吏奉章報謝。食後，還與丞相、蒼意氣情。是日疾遂大漸，刻漏未分，奄忽而卒。時年四十一。天子憫悼，詔使者王謙送葬。已中牢具祠，賜錢五萬，布百匹，贈穀三千斛。同位畢至，赴弔雲集，生榮未艾，沒有餘哀。于是遐邇縉紳，爰暨門人，相與歎述君德，追痛不永，怛切情慄，無不永懷。行由已作，名自人成。先民既邁，賴茲頌聲。嗟我明哲，如何勿銘。乃作辭曰：

猗歟懿德令問有彰祇服其訓克構克堂孝思惟則文藝丕光敦厚忠恕歡悅其良緩弱曰仁不云我強爰自登輒進退曰方見機而作如鴻之翔乃位常伯恪處左右兼掌虎賁禁戎允理邁茲虐痲帝用悼止俾守陳畱庶篤其祉王人既詔景命不俟嗚呼昊天殲我英士如可贖也敦不百己哀哉永傷萬年是紀

集本

君諱頤字季叙交趾都尉之孫太傅安樂侯之子也順帝時爲郎中桓帝時遭叔父憂曰疾自免荊州將軍北辟輒辭疾後曰高等拜侍御史遷諫議大夫舉賢良方正病不詣公車建寧元年七月拜陳畱太守病加不任應召詔使謁者劉惔卽授印綬二十一日卒詔出遣使者王謙曰中牢具祠特賜錢五萬布一百匹贈穀三千斛儔類赴送遠近鱗集于是陳畱主簿高吉蔡軫等咸曰郡選充備官屬來迎者三十四人奔驚跋涉願承清化逢天之威不獲延祚痛心絕望切怛永慕乃相與褻經庭位號跳靈柩將窆申救

修儀煢煢在疚與服察御部引各執其職路人感愴觀者歎息蓋
三綱之序與竝育已舊奉新嗟我行人敢不自勗遂樹碑作銘已
表令德

於藐下國瞻仰俊乂欽見我君爰緩我惠式昭績恩有勞有賴吳
天不弔景命顛墜悠悠蒸黎惆悵喪氣政雖未宣古之遺愛祁祁
我君習習冠蓋修誠已返曾不東邁靈魂徘徊靡所瞻逮惟其傷
矣胷肝摧碎勒銘告哀傳于萬代本集文選魏都賦注引蔡邕胡
六朝唐初本有此篇彼題作胡億蓋誤胡廣子五長整次失名皆
天次億郡舉孝廉不就次監為議郎少子碩陳畱太守詳見母夫
人章氏靈表都尉
夫人黃氏神誌

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷七十五終